

Ժողովուրդ

31 հունվարի երեքշաբթի 2023
տպագրության ԺԲ տարի

13
(2679)

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՆԻԿՈՒՄ ՓԱՇՏՆՅԱՆԸ ԽԱՔԵԼ Է. ՄԱՍ 161



«Ժողովուրդ» օրաթերթը կարճատև դադարից հետո շարունակում է շարքը, որում ներկայացնում է ՀՀ վարչապետ Նիկոլ Փաշինյանի այն հայտարարությունները, որոնք այդպես էլ իրականություն չեն դարձել, կամ, այլ կերպ ասած, Նիկոլ Փաշինյանը ստել է: Այս անգամ կանգնադաշնանը մի ոլորտի, որում արձանագրված «հաջողությունների» ու հաջողված պայքարի մասին իշխանությունները հաճախ են խոսում, ինչը, սակայն, հեռու է իրականությունից: Խոսքը խաղադրույքների ոլորտին է վերաբերում: Բանն այն է, որ Նիկոլ Փաշինյանը հունվարի 10-ին՝ լրագրողների հետ հանդիպմանը, հայտարարեց, թե իրենց իշխանության կողմից շահումով խաղերի ոլորտում կատարված օրենսդրական սահմանափակումների արդյունքում խաղադրույքների ոլորտում լուրջ անկում է գրանցվել: CivilNet-ի փաստերի ստուգման թիմը #CivilNetCheck-ը, պարզել է, որ շահումով խաղերի ոլորտում, հակառակ վարչապետի պնդումներին, անկում չի գրանցվել: Պետականությունների կոմիտեն, #CivilNetCheck-ի հարցմանն ի պատասխան, հայտնել է, որ Հայաստանում, 2022-ի հունվար-նոյեմբերի տվյալներով, ինտերնետ շահումով խաղերում ավելի քան 5,3 տրլն դրամի խաղադրույք է կատարվել. սա 2021թ.-ի ամբողջ տարում գրանցված 3,9 տրլն դրամից ավելի է մոտ 36%-ով: Այս թիվը ռեկորդային է Հայաստանի պատմության մեջ: Կատարված խաղադրույքների ծավալը 2017-ին կազմել է 138,5 մլրդ դրամ, 2018-ին՝ 333,6 մլրդ դրամ, 2019-ին հասել է տրիլիոնի շեմը եւ կազմել է 1,1 տրլն դրամ, 2020-ին՝ մոտ 2 տրլն դրամ, 2021-ին՝ 3,9 տրլն դրամ: Հատկանշական է, որ 2022-ի 11 ամիսների գրանցված 5,3 տրլն-ի մեջ ներառված չեն դեկտեմբերի տվյալները, հետեւապես՝ նաեւ Ֆուտբոլի աշխարհի առաջնության խաղերի (որոնք անցկացվել են նոյեմբերի 20-ից դեկտեմբերի 18-ը ներառյալ) մեծ մասի ժամանակ արված խաղադրույքների ծավալը: Այս թվում ներառված չեն նաեւ խաղատներում կատարված խաղադրույքները: Այսպիսով, վարչապետ Նիկոլ Փաշինյանի պնդումը, թե խաղադրույքների ոլորտում շատ լուրջ անկում է գրանցվել, սխալ է: Կատարվող խաղադրույքի ծավալները փաստացի ոչ միայն չեն նվազել, այլև շարունակ աճում են: Ստացվում է՝ նա հերթական անգամ խաբել է ՀՀ հպարտ եւ արժանապատիվ քաղաքացիներին:

Վարչապետի տիկին Աննա Հակոբյանը հունվարի 18-ին դուստրերի հետ այցելել էր Իրան՝ մասնակցելու «Ազդեցիկ կանանց միջազգային առաջին համագումարին»: Աննա Հակոբյանը սոցցանցերում ջանք ու եռանդ չէր խնայում, պարբերաբար լուսանկարներ էր հրապարակում, որպեսզի ցույց տա, թե ինչ «ջերմ» մթնոլորտում է անցել իր թեհրան այցը, ինչպիսի լավ ընդունելության է արժանացել այնտեղ: «Ժողովուրդ» օրաթերթի տեղեկություններով, սակայն, ոչ տեղի հայ համայնքը, ոչ էլ հայկական եկեղեցին չեն ընդունել Աննա Հակոբյանին: Տեղեկացանք, որ վարչապետի տիկինն անգամ խուսափել է այցելել հայկական եկեղեցի, որպեսզի այնտեղի հայերին չհանդիպի, փոխարենը Իրան ժամանած մյուս հյուրերի հետ այցելել է մզկիթ ու այնտեղ միջոցառումների մասնակցել: «Ժողովուրդ» օրաթերթի հետ գրույցում հայ համայնքի ներկայացուցիչներից մեկը հաստատեց մեր այս տեղեկությունը՝ նշելով, որ սա հատուկ վերաբերմունք է ոչ միայն Աննա Հակոբյանի, այլև Հայաստանից այցելած բոլոր պետական պաշտոնյաների նկատմամբ: Իրանահայերն այսպիսով իրենց դիրքորոշումն են հայտնում գործող իշխանությունների եւ նրանց վարած քաղաքականության նկատմամբ, ինչի հետեւանքով Հայաստանը եւ Արցախը գրեթե ամեն օր նոր կորուստներ են կրում: «Նիկոլ Փաշինյանը պատերազմից հետո երկու անգամ այցելել է Թեհրան, բազմաթիվ նախարարներ են այցելել, մի քանի ամիս առաջ Ալեն Սիմոնյանն էր այցելել, արդեն անցած շաբաթ էլ Աննա Հակոբյանը երկու դուստրերի հետ Իրանում էր, բայց այդ բոլոր այցերի ժամանակ ազգային առաջնորդարանում որեւէ այցելություն չի կազմակերպվել նրանց համար, հայ համայնքը ղեկավարող կառույցները չեն հյուրընկալել նրանց. սա հստակ ուղերձ է եղել: Ես լսել եմ նաեւ թեմական առաջնորդի կողմից, որ ինքը ես պատրաստ չեմ ընդունել այսօրվա իշխանություններին իրենց կեցվածքի ու վերաբերմունքի պատճառով, որը ցուցաբերել է պատերազմից հետո: Ինչ վերաբերում է եկեղեցի այցին, ապա դա տարբեր է. եկեղեցիների դռները բաց են, նույնիսկ օտարերկրացիները կարող են գալ, մոմ վառել, արգելքը ազգային առաջնորդարանի հյուրընկալելու կապակցությամբ է եղել: Որեւէ բան չէր արգելում նրան այցելել հայկական եկեղեցի, նույնիսկ դրանից է խուսափել: Կապակցությամբ, մտավախություն է ունեցել, որ այնտեղ քաղաքացիների կհանդիպի, որոնք կոչոտ են վերաբերվելու իրեն, խուսափել է անախորժ միջադեպերից: Բայց, դրա փոխարեն, տեսանք, որ չարդարյով այցելել է իսլամական սրբավայր, մասնակցել է տարբեր արարողությունների: Սպառնալու Սուրբ Ամենափրկիչ վանք ու թանգարան է այցելել կարճ ժամանակով, այնտեղից մի երկու սեֆիներ է արել, բայց այնտեղ էլ համայնքը ղեկավարող կառույցներն ու եկեղեցին պատրաստ չեն եղել նրան ընդունելու»,- պատմեց մեր գրուցակիցը:



«Ժողովուրդ» օրաթերթի տեղեկությունների համաձայն՝ հունվարի 19-ին Գեղարքունիքի մարզի Ազատ գյուղում տեղակայված N գործարարի ինժեներասակրավորային վաճառի անձնակազմի համար նախատեսված կացարանում տեղի ունեցած հրդեհի գործով երկրորդ անձը կկալանավորվի: Մվ է նա: Մեզ հասած տեղեկությունների համաձայն՝ կալանավորվող պաշտոնյան գործարարի թիկունքի գծով պատասխանատուներից ես մեկն է: Նշենք, որ 2023 թվականի հունվարի 25-ին որոշում էր կայացվել ՀՀ ՊՆ N գործարարի թիկունքի պետ-հրամանատարի թիկունքի եւ կրոնակա շահագործման ծառայության գծով տեղակալ Գ.Ա.-ի նկատմամբ հարուցել հանրային քրեական հետապնդում՝ ՀՀ քրեական օրենսգրքի 550-րդ հոդվածի 3-րդ մասով (գինևիրական պաշտոնական անվտանգություն, որն անգործությամբ առաջացրել է մարդու մահ), ինչի արդյունքում հունվարի 26-ին ՀՀ ՊՆ N գործարարի թիկունքի պետ-հրամանատարի թիկունքի եւ կրոնակա շահագործման ծառայության գծով տեղակալ Գ.Ա.-ն կալանավորվեց: Հիշեցնենք, որ 2023թ. հունվարի 19-ին ժամը 01:30-ի սահմաններում, ՀՀ ՊՆ Գեղարքունիքի մարզի Ազատ գյուղում տեղակայված N գործարարի ինժեներասակրավորային վաճառի անձնակազմի համար նախատեսված կացարանում տեղի ունեցած հրդեհի, դրա հետեւանքով նույն վաճառի 15 գինեւառայողների (մեկական, մի քանի գինեւառայողների) տարբեր աստիճանի մարմնական վնասվածքներ ստանալու դեպքի առթիվ նախաձեռնվել է քրեական վարույթ:



Բոլորսովի անվան լեզվաբանական համալսարանի հոգաբարձուների խորհուրդն ուղիղ մեկ ամիս է, ինչ լուծարվել է: Խորհրդի լիազորությունները դարդարեցված համարվելուց ուղիղ մեկ ամիս անց՝ այսօր, Բոլորսովի կառավարման հարցն օրում կախված է մտում: Բանն այն է, որ, ըստ «Հիմնադրամների մասին» օրենքի, ԿԳՄՍ նախարարությունը մասնակցություն ունի օրենքը տարբեր կերպով մեկնաբանելու հնարավորություն ունի: Օրենքի 23-րդ հոդվածի 3-րդ մասի համաձայն՝ «հոգաբարձուների խորհրդի անդամի լիազորությունը դադարելու դեպքում նրա փոխարեն նոր անդամ նշանակվում է նախկին անդամի նշանակման կարգով ոչ ուշ, քան հոգաբարձուների խորհրդի անդամի թափուր տեղ առաջանալու մասին կառավարչի ծանուցումը ստանալու օրվանից հետո՝ 30 օրվա ընթացքում»: Նույն հոդվածի 7-րդ մասի համաձայն՝ «հոգաբարձուների խորհրդի բոլոր անդամների լիազորությունների դադարման դեպքում երկամսյա ժամկետում հոգաբարձուների խորհրդի անդամների կեսից ավելին չի նշանակվում, ապա Հայաստանի Հանրապետության արդարադատության նախարարը երկամսյա ժամկետում նշանակում է 3 անդամից կազմված ժամանակավոր խորհուրդ»: Նշենք, սակայն, որ դեռեւս այս տարվա հունվարի 12-ին ԿԳՄՍ նախարար ժամանա Անդրեասյանը հայտարարել էր, որ նախարարության խնդիրն այս պահին բուն խորհուրդը կազմավորելն է: Այս մասով մեկ ամսվա ընթացքում ի՞նչ գործողություն է արել ԿԳՄՍ-ն. «Ժողովուրդ» օրաթերթի այս հարցին նախարարության հասարակայնության հետ կապերի ու լրատվության վարչությունից տեղեկացրին: «ԿԳՄՍ-ն, օրենքով սահմանված կարգով, քայլեր է ձեռնարկում համապարանի բնականոն գործունեության ապահովման համար: Այս մասով առաջիկայում հայտարարություն կլինի»: Հաշվի առնելով, սակայն, խիստ «ժողովրդավար» իշխանությունների՝ բուհերի ինքնավարությունը մեղմ ասած հարվածի տակ դնելու ձեռագիրը, ապա պետք չէ բացառել, որ չնայած համալսարանում տեղի ունեցած ընտրություններին ու օրենքի տարին համապատասխան ռեկտոր ընտրելու հանգամանքին, այնուամենայնիվ, իշխանությունները Բոլորսովի համալսարանում նույնպես իրենց «սրտի ռեկտորին» են ուզում տեսնել:



ԻՐԱՆԱԿԱՆ ՀԱՐՑ

ՄՊԱՌՆԱԼԻՔԻ ԵՎ ՀՆԱՐԱՎՈՐՈՒԹՅԱՆ ՄԵՋՏԵՂՈՒՄ

Թուրքացի Ռուբեն Մելքոնյանի խոսքով Իրանն անդայնամասնապես չի փոխվել իրեն ուղղված հարվածներին: Նրա համոզմամբ՝ սարածաշաճում սեղի ունեցած գործընթացները, դայմանական ասած, երրորդ համաշխարհայինի մասին են վկայում:

«Ժողովուրդ» օրաթերթը գրուցել է թուրքացի Ռուբեն Մելքոնյանի հետ:

-Պարոն Մելքոնյան, տարածաշրջանն այժմ կրկին լարված է: Ինչի՞ ակնատեսն ենք լինում այս օրերին:

-Կարելի է ասել՝ երրորդ համաշխարհային պատերազմի մերձավորարեւելյան ֆրոնտը, կարծես թե, ավելի է թեժանում կամ բացվում: Ակնհայտ է, որ այսօր աշխարհում տեղի ունեցող իրադարձությունները, այդ թվում՝ ռազմական, շաղկապված են միմյանց հետ, եւ այն, ինչ տեղի է ունենում դիցուք ուկրաինական ճակատում, ուղիղ կամ անուղղակի կապ ունի տարածաշրջանում սառած կամ ակտիվ կոնֆլիկտների հետ: Պայմանակաւորել կարող ենք ասել, որ երրորդ համաշխարհային պատերազմը ընթացքի մեջ է, եւ ակնհայտ է, որ աշխարհում կա շահերի բաժանման անջրպետ, որից այն կողմ կան տարբեր պետություններ եւ ուժային կենտրոններ: Պարզ է, որ Իրանը վարդուցկա թիրախ է, եւ հենց ինքն էլ իր կողմից ընկալվում է որպէս թիրախ եւ, դրան ընդառաջ, սիստեմատիկ քայլեր միջոտ արել եւ անում է: Ինչ-որ պահի այս սառած կոնֆլիկտը պետք է ակտիվացման նշաններ ցույց տար, սակայն հաշվի առնելով Իրանի ակտիվությունը՝ մենք միգուցէ պետք է մի քիչ ձեռնպահ մնանք կանխատեսելուց, որ կսկսի լայնածավալ պատերազմ: Այն հարվածները, որ հասցվում են Իրանին, կանխատեսվում է, որ նա կփորձի համարժեք պատասխաններ տալ: Դժվար է ասել՝ այն կվերածվի ուղիղ, լայնածավալ պատերազմի, թե ոչ:

-Իրանի եւ Ադրբեջանի հարաբերությունների ու Թուրքիայի դիրքորոշման մասին ի՞նչ կարող եք ասել:

-Այն, որ Իրանի եւ Ադրբեջանի հարաբերությունները վերջին շրջանում բավականին լարվել են, այն, որ Ադրբեջանն անում է հայտարարություններ, որոնք



իրենց քաջով ավել են Իրանի հանդեպ, ցույց է տալիս, որ այս հարցում նա, կարծես թե, պրոպոկատորի եւ իրահրողի դեր ունի: Այստեղ մեկ հանգամանք էլ կա. Թուրքիան է բավականին լուռ, եւ հայտնի է, որ նրանց հարաբերությունները համարվում են կայուն: Ադրբեջանի այս հոխորտանքները նաեւ Թուրքիայի շնորհիվ են բարձրաձայնվում: Թուրք-իրանական սահմանը չի փոխվել մի քանի տարի: Շուշիի հռչակագիրը հաշվի առնելով՝ կարող ենք ասել, որ կա թուրք-ադրբեջանական կոնֆլիկտ եւս: Այսինքն՝ եթէ Իրանի եւ Ադրբեջանի միջեւ կոնֆլիկտ լինի, Թուրքիան ավտոմատ ներգրավվելու է այդ կոնֆլիկտի մեջ՝ ըստ Շուշիի հռչակագրի: Այսինքն՝ այն, որ ասում են՝ կարող է սկսվել լայնածավալ պատերազմ, պետք է հասկանանք՝ իրոք կարող է լինել բավական լայնածավալ, որտեղ մի քանի երկրներ են լինելու մեր հարեւանությամբ՝ Թուրքիա, Ադրբեջան, Իրան, Իսրայել եւ այլն:

ԱԿՏԻՎ Է

ՆՈՐ ՆԱԽԱՐԱՐՈՒԹՅՈՒՆՈՒՄ ՊԱՇՏՈՆ ՉՍՏԱՑԱՎ

2022 թվականի դեկտեմբերի 16-ին Ազգային ժողովը երկրորդ ընթացքում քվեարկությամբ ընդունեց «Կառավարության կառուցվածքի եւ գործունեության մասին» օրենքում փոփոխություններ կատարելու մասին» նախագիծը:

Այսպիսով, ըստ ընդունված նախագծի՝ ստեղծվեց Ներքին գործերի նախարարություն: ՆԳՆ ենթակա մարմիններ են դարձել Ոստիկանությունը, Միգրացիայի եւ քաղաքացիության ծառայությունը, Փրկարար ծառայությունը:

Այս փոփոխությունից հետո ՆԳ նախարարի չորս տեղակալներ նշանակվեցին, եւ ԱԻ նախարար Արմեն Փամբուխչյանը նոր կառույցում պաշտոն չստացավ: Նա ԱԻ նախարարի կարգավիճակը պահպանելու է եւս մի քանի ամիս, քանի որ այդպես է ամրագրված օրենքում, ինչից հետո ԱԻ նախարարության գործունեությունը կհամարվի ամբողջովին դադարեցված:

Թերեւս հենց դա է պատճառը, որ Փամբուխչյանը դեռ ակտիվ է սոցիալական

Facebook post by Armen Pambukhchyan. Text: Երկրաշարժ Իրանի Խոյ քաղաքից 34 կմ հարավ-արևելք, օջախի 10 կմ խորությամբ, 5.9 մագնիտուդով երկրաշարժ: Հայկենտրոնային գոտում ստորգետնյա ցնցման ուժգնությունը կազմել է 8 բալ: Երկրաշարժը զգացվել է Սյունիքի մարզում 5 բալ, Վայոց ձորի և Արարատի մարզերում և Երևան քաղաքում 3-4 բալ, Արմավիրի և Կոտայքի մարզերում՝ 2-3 բալ ուժգնությամբ: 84 reactions, 3 comments, 14 shares.

ցանցերում, կատարում է ԱԻ նախարարի գործառնություններ, մասնակցում անգամ կառավարության նիստին: Ընդգծենք՝ երբ հունվարի 28-ին երկրաշարժ գրանցվեց, եւ հանրությունը հաղորդագրության էր սպասում, կրկին Փամբուխչյանն էր ակտիվ եւ սոցցանցի իր էջում իրազեկում էր, թե ինչ է կատարվել: ՆԱԻՐԱ ՀՈԿՅԱՆՆԻՍՅԱՆ



ԴԻՄԵԼ Է



Իսրայելում ծեծի են ենթարկել հայ երիտասարդների. որպես Իսրայել-Հայաստան խորհրդարանական բարեկամական խմբի անդամ ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ Թագուհի Թովմասյանը գրություններ է ուղարկել Իսրայելի օմբուդսմենին, Իսրայելի խորհրդարանի (Զնեսեթ) հանրային անվտանգության հանձնաժողովի ղեկավարին: Հիշեցնենք, որ հունվարի 28-ի ուշ երեկոյան երկու իրեա ծայրահեղականներ Հայոց Վանքի դիմաց նախ փորձել են խոչընդոտել երթևեկությունը, ապա հարվածել աշխատանքից տուն վերադարձող հայ երիտասարդների ավտոմեքենային: Հայ երիտասարդների քաղաքակրթի պատասխանից հետո ծայրահեղականներից մեկն արցունքաբեր գազ է փչել հայ երիտասարդի աչքերին, եւ երկուսով փախուստի են դիմել: Հայ երիտասարդը տեղափոխվել է հիվանդանոց:

ՕՐԵՆՔԸ՝ ԳԼԽԱՑԱՎԱՆՔ

«Սնդիկի մասին» օրենքը գլխացավանք է դարձել կոսմետիկա եւ խաղալիք ներկրողների համար: Պարզվում է, որ ներկրվող կոսմետիկան պատկան կառույցների կողմից մանրամասն զննվում է. ուզում են հասկանալ՝ ներկրված կոսմետիկան սնդիկ պարունակում է, թե ոչ: Ներկրողները ստիպված են լինում օրերով սպասել, թե, ի վերջո, իրենց ապրանքը երբ ամբողջապես կմաքսագերծվի: Նշենք, որ ՀՀ կառավարության կողմից նախորդ տարվա դեկտեմբերի 1-ի որոշմամբ՝ սահմանվել է սնդիկի հավելիչով արտադրանքի ցանկը. դրանց արտահանումը Հայաստանից եւ ներմուծումը ՀՀ արգելվում է վեց ամիս ժամկետով: Որոշումն ուժի մեջ է մտել այս տարվա հունվարի 1-ից: Բացի այս, «Ժողովուրդ» օրաթերթը տեղեկացավ, որ Շուկայի վերահսկողության տեսչական մարմնի կողմից կոսմետիկայի եւ խաղալիքի շուկան խոչընդոտող տակ է առնվելու, այսինքն՝ սերտիֆիկատ չունեցող օժանդիքալ կոսմետիկական արտադրանքները, խաղալիքները տեսչական մարմնի կողմից կոչնչացվեն: Տեսուչները ստուգելու են եւ տնտեսվարողից պահանջեն իրացվող արտադրանքի համապատասխանության գնահատման սերտիֆիկատը: Տնտեսվարողն այն մինչեւ վաճառքի հանելը պետք է նախ ուղարկի հավատարմագրված լաբորատորիա. եթե փորձաքննությամբ պարզվի, որ ապրանքն անվտանգ է, ապա կարող է հանգիստ վաճառել:

ԻՐԱՎԻՃԱԿ

ԱՂՐԲԵՋԱՆԻ ԴԵՍ

ՀԱՍԳԱՅՈՒՄ ՔՆՆՎԵՑ ՀԱՅԱՍՏԱՆԻ ԳԻՄՈՒՄԸ

ՔՊ-ԱԿԱՆՆԵՐԸ ԿԳՈՐԾՈՒՂՎԵՆ ՄՈՍԿՎԱ

Ազգային ժողովի «Քաղաքացիական պայմանագիր» խմբակցության պատգամավորները Ռուսաստանի Դաշնություն կգործուղվեն: ArmLur.am-ը տեղեկացավ, որ ՀԱԿԿ անդամ պետությունների խորհրդարանների արտաքին հարաբերությունների, պաշտպանության և անվտանգության հարցերի հանձնաժողովների (կոմիտեների) նախագահների խորհրդակցությանը մասնակցելու համար 2023 թվականի հունվարի 31-ից փետրվարի 1-ը Մոսկվա կգործուղվեն Ազգային ժողովի նախագահի տեղակալ Հակոբ Արշակյանը, ԱԺ պաշտպանության և անվտանգության հարցերի մշտական հանձնաժողովի նախագահ Անդրանիկ Քոչարյանը, ՔՊ-ական պատգամավոր Էդուարդ Աղաջանյանը:

Պատգամավորների հետ ՌԴ կմեկնի նաև ԱԺ աշխատակազմի արտաքին կապերի վարչության միջազգային կազմակերպությունների բաժնի գլխավոր մասնագետ Սոֆյա Մնացականյանը:

Տեղեկացանք, որ, բացի գիշերակացի գումարից, որ հրավիրող կողմն է հոգալու, գործուղման հետ կապված մյուս բոլոր ծախսերը ՀՀ պետությունից հաշվին են կատարվելու:

ՎԱՃԱՌԸ ԿԱՐԳԵԼՎԻ

Հայաստանի տարածքում կարգվելի է 128 սննդային հավելման ներմուծումը, օգտագործումը, եւ կարգվելի այդ հավելումը պարունակող ապրանքների վաճառքը: ArmLur.am-ը տեղեկացավ, որ ՀՀ էկոնոմիկայի նախարարությունն առաջարկում է արգելված սննդային հավելումների ցանկում ավելացնել E 128 (կարմիր 2G) սննդային հավելումը: Ի դեպ, կարմիր 2G-ն հաճախ ավելացվում է երշիկեղենին եւ պահածոներին: Նշենք, որ այն վտանգավոր է մարդու առողջությանը՝ քաղցկեղածին է, ազդում է նյարդային համակարգի վրա, առաջացնում է շարժողականության, հիշողության խանգարումներ, ընդհանուր թուլություն: Ի դեպ, նշենք, որ սննդամթերքի ստանդարտների եվրոպական գործակալությունը (EFSA) մի շարք ուսումնասիրություններ է անցկացրել՝ պարզելու E128 (կարմիր 2G) ազդեցությունը մարդու օրգանիզմի վրա: Ուսումնասիրությունների արդյունքում պարզվել է, որ կարմիր 2G մոնո-ազո ներկայությունը մետաբոլիզացվել է անիլինի, որը համարվում է գենոտոքսիկ միացություն, եւ այն պոտենցիալ քաղցկեղածին է: Եվրոպական հանձնաժողովի՝ 2007 թվականի հուլիսի 26-ի որոշմամբ՝ պաշտոնապես արգելվել է սննդամթերքի արտադրության մեջ E128 (Red 2G) սննդային հավելումի օգտագործումը: ArmLur.am-ին հայտնի դարձավ, որ 2007 թվականից նշված սննդային հավելման ներմուծումը եւ օգտագործումն արգելվել է Ռուսաստանի Դաշնության տարածքում:

Հասապյում գտնվող Արդարադատության միջազգային դատարանը երեկ սկսել է Հայաստանի կողմից Ադրբեջանի դեմ ներկայացված հայցի քննությունը: Գումում հայկական կողմը Ադրբեջանի կողմից Լաչինի միջանցում իրականացվող գործողությունները որակել է «Էթնիկ զսմանն ուղղված աղաղակող գործողություն»:

Պաշտոնական երեւանը ՄԱԿ-ի Արդարադատության դատարանից պահանջում է ճանաչել Ադրբեջանի խտրական վերաբերմունքը Հայաստանի նկատմամբ եւ հատուցել պատճառած վնասը: Նմանատիպ մի գանգատ էլ Հայաստանի դեմ այդ նույն ատյան է ներկայացրել Բաքուն՝ իր հերթին պահանջելով ճանաչել Ադրբեջանի նկատմամբ Հայաստանի խտրական վերաբերմունքը:

«Ռասասայական խտրականության բոլոր ձեւերի վերացման մասին» միջազգային կոնվենցիայի շրջանակներում ներկայացված Երեւանի դիմումում տեղ գտած պահանջները, ընդհանուր առմամբ, վերաբերում են «Ադրբեջանի կողմից տասնամյակներ շարունակ էթնիկ հայերի եւ հայկականության նկատմամբ տարվող ատելությունների եւ խտրական վերաբերմունքի հետեւանքով առաջացած խախտումների արձանագրմանը»:

«Շրջափակման ամբողջական վերացումից եւ հանրային ծառայությունների մատուցման անխցընդոտ վերսկսումից բացի, որեւէ այլ քայլ չի կարող թեթեւացնել այն զոհվածները, որոնք կրում են այս դաժան շրջափակման զոհերը», - Reuters-ի փոխանցմամբ՝ հայտարարել է հայկական կողմի շահերը ներկայացնող փաստաբան Կոնստանտինոս Սալոնիդիսը: Հասապյի Արդարադատության միջազգային դատարանում Հայաստանի ներկայացուցիչ Երիշ-Ե Կիրակոսյանը, դատարանին դիմելով, խնդրեց հրատապ միջոց կիրառել եւ պարտավորեցնել Ադրբեջանին բացել արդեն 50 օր շրջափակված Արցախը աշխարհին կապող միակ ճանապարհը՝ Լաչինի միջանցքը, ապահովել մարդկանց, տրանսպորտի ազատ երկրորդ տեղաշարժը, ինչպես նաեւ անհապաղ վերականգնել էներ-



գիայի մատակարարումը: Այս պահանջը հայկական կողմը 4 օր առաջ հրատապ կարգով է ավելացրել իր դիմումում:

«Եթե դատարանն անհապաղ միջոցներ չձեռնարկի, Լեռնային Ղարաբաղի հայերն անհնարին ընտրության առջեւ կկանգնեն՝ թողնել իրենց պապեական տները կամ մնալ այնտեղ եւ սովամահ լինել», - հայտարարել է Կիրակոսյանը՝ շարունակելով: - Նախագահ Ալիևը դա հստակ է դարձրել: Նա բացահայտ պահանջել է, որ Լեռնային Ղարաբաղի հայերը հեռանան: Նա պնդել է, որ Ադրբեջանի հիմնական պարտքը հայերին իրենց հողերից վտարելն է: Նա ասել է, որ հայերեն ոչ մի երգ չի երգվելու, եւ որ այսուհետեւ ադրբեջաներենն է իշխելու այդ հողում»:

Ավելի քան մեկ ամիս առաջ մեկ այլ միջազգային ատյան՝ Մարդու իրավունքների եվրոպական դատարանը, Բաքվին պարտավորեցրել էր ձեռնարկել բոլոր միջոցները՝ ապահովելու միջանցքով Հայաստանում բուժման կարիք ունեցող ծանր հիվանդների եւ ճանապարհին առանց սննդի եւ գոյության անհրաժեշտ միջոցների մնացած այլոց տեղաշարժը, նաեւ վերականգնել գազամատակարարումը: Ադրբեջանը անտեսել է ոչ միայն Ստրասբուրգի դատարանի, այլ նաեւ այլ հեղինակային կառույցների, առանձին երկրների՝ Լաչինի միջանցքը բացելու պահանջը:

«Բայց Ադրբեջանը, կարծես թե, հաստատական է Լեռնային Ղարաբաղի էթնիկ հայերին «խեղդելու» հարցում: Մեկ հոգի արդեն մահացել է բուժօգնության բացակայության պատճառով, այլոք նման ճակատագրի արժանանալու վտանգի առջեւ են: Խանութների դարակները դատարկ են, մոնիթոր բաշխվում է քարտերով, դեղամիջոցների եւ բժշկական պարագաների էական պակաս կա... Մանկապարտեզները, դպրոցները փակ են, երեխաները 50 օր բաժանված են ընտանիքներից», - նշել է Հայաստանի ներկայացուցիչը: Հունանիտար աղետի ողջ ծավալը ներկայացնելով՝ Կիրակոսյանն ընդգծել է, որ շրջափակումը, գազի եւ հոսանքի մատակարարման խափանումներն արվում են հատուկ: «Մի քանի օր առաջ, ինչպես ասաց Ալիևը, եթե ինչ-որ մեկը չի ցանկանում մեր քաղաքացին դառնալ, ճանապարհը բաց է, ոչ ոք նրանց չի կանգնեցնի, նրանք կարող են գնալ խաղաղապահների հովանու ներքո կամ ավտոբուսով: Այլ կերպ ասած՝ ծագումով հայերը չեն կարող մտնել, բայց կարող են դուրս գալ Ղարաբաղից: Հարգելի դատավորներ, այսօրիակ աղաղակող էթնիկ գտման գործողությունները մեր օրերում տեղ չունեն, եւ այս դատարանը վերջին հույսն է Լեռնային Ղարաբաղի հայերի համար»:

ՆԱԻՐԱ ՀՈՎՀԱՆՆԻՍՅԱՆ

ՕՐՎԱ ԽՃԱՆԿԱՐ

ՊԱՐԳԵՎԱՎՃԱՐ ԵՆ ՊԱՐԱՆՋՈՒՄ

ՔՊ-ական մի խումբ պատգամավորների օգնականները, «2եֆերի» գիտությունը, պարզեւավճար են պահանջում ԱԺ ղեկավարությունից: «Ժողովուրդ» օրաթերթը հրապարակել էր պարզեւ պահանջողների ցանկը եւ նշել, որ ստորագրահավաքը նախաձեռնել ու կառավարում են ՔՊ խմբակցության ղեկավար Հայկ Կոնջոյանը, ՔՊ խմբակցության քարտուղար Արթուր Հովհաննիսյանը եւ Պաշտպանության ու անվտանգության հարցերի հանձնաժողովի նախագահ Անդրանիկ Քոչարյանը:

Ֆինանսական սուղ պայմաններում գինվորներին խրճիթում պահող իշխանության խմբակցության ղեկավարի ու քարտուղարի, ինչպես նաեւ իշխող խմբակցության պատգամավորներ Էմմա Պալյանի, Շովհիսար Վարդանյանի եւ Արեն Մկրտչյանի օգնականները, «2եֆերի» գիտությունը, պարզեւ են պահանջում:

ArmLur.am-ը տեղեկացավ, որ օգնականները դիմել են ԱԺ նախագահին եւ աշխատակազմի ղեկավարին՝ պարզեւավճար ստանալու պահանջով: Նկատենք, որ ՔՊ-ական պատգամավորների օգնականները պահանջում են մի բան, որն օրենքով հասանելի չէ իրենց, այլ մի-

այն պետծառայողներին՝ որպես պրոֆեսիոնալների եւ հասանելի տարվա մեջ 2 անգամ: ԱԺ նախագահ Ալեն Սիմոնյանը հրաժարվում է այլեւս պահուստային ֆոնդից պարզեւավճար տալ պատգամավորների օգնականներին, այս պատճառով ՔՊ ներսում լուրջ բախումներ են սկսվել:

Նկատենք, որ այս պատգամավորների օգնականները պարզեւավճար են պահանջում այն դեպքում, երբ ընդամենը օրեր առաջ՝ հունվարի 19-ին, հրդեհի զոհ դարձան 15 գինվոր կացարանի անմխթաբար պայմանների պատճառով:

ՀՐԱՏԱՊ ՔՆՆԱՐԿՈՒՄ

Ազգային ժողովի ընդդիմադիր «Հայաստան» խմբակցությունը խորհրդարանում հրատապ քննարկում է նախաձեռնել: ArmLur.am-ը տեղեկացավ, որ այն հաջորդ շաբաթ մեկնարկող ԱԺ քառօրյա նիստերի առաջին օրը՝ երեքշաբթի տեղի կունենա: Հրատապ քննարկման թեմաները, ըստ ներկայացված հիմնավորման, «ՀՀ գինված ուժերում ստեղծված իրավիճակը, խնդիրները եւ հրատապ անելիքները» կլինեն:

Տեղեկացանք, որ ընդդիմադիր պատգամավորների պահանջով՝ հրավիրվող

հրատապ քննարկման թեմայի ներկայացուցիչը Գեղամ Մանուկյանն է: Հիմնավորման մեջ նշված է, որ «թեմայի էությանը համապատասխան՝ առնվազն պարտադիր է պաշտպանության նախարար Սուրեն Պապիկյանի զեկույցը»: Ոնդիմադիրներն ակնկալում են նաեւ, որ պաշտպանական գերատեսչության ղեկավարն անձամբ ներկա կգտնվի քննարկմանը:

ArmLur.am-ի հետ զրույցում պատգամավոր Գեղամ Մանուկյանն ասաց, որ, ըստ «ԱԺ կանոնակարգ» օրենքի պահանջի, անկախ իշխանական՝ «Քաղաքացիական պայմանագիր» խմբակցության ցանկության, հրատապ քննարկումը պետք է տեղի ունենա:

ԼՍՈՒՄՆԵՐ՝ ՓԵՏՐՎԱՐԻ 3-ԻՆ

«Հայաստան» խմբակցությունը փետրվարի 3-ին խորհրդարանական լսումներ է հրավիրել: ArmLur.am-ը տեղեկացավ, որ լսումներն անցկացվելու են Ադրբեջանի կողմից Լաչինի միջանցքը փակելու վերաբերյալ խմբակցության ներկայացրած ԱԺ հայտարարության նախագծի առնչությամբ:

Լսումները կմեկնարկեն ժամը 11:00-ին ԱԺ նիստերի դահլիճում:

ՀԱԿՈՒՅԱՆԻ ՈՐՈՒՄ

ՀՈՐԵՂԲՈՐԸ ԳԱՏԻ Է ՏՎԵԼ

Աժ նախկին դատաւար Վերանո Հակոբյանի որդին՝ Կարեն Հակոբյանը, դատ է սվել Երևանի Երանոսյան գիմնազիի գործարանի կառավարմամբ զբաղվող հորեղբորը՝ Հրայր Հակոբյանին: «Ժողովուրդ» օրաթերթը դատական ռեզոլյուցիայի համակարգից ռեզոլյուցիայով, որ 2022 թվականի դեկտեմբերի 22-ին Վերանոյի Հակոբյանի որդին՝ Կարեն Հակոբյանը, բազմաբնույթ դատարանում հորեղբոր դեմ հայց է ներկայացրել՝ դատապարտելով, որ ժառանգական գույք (Երանոսյան, ունեցվածք, բիզնես և այլն) ճանաչեն: Նկատելի, որ դատարանը գործը ընդունել է վարույթ, և գործը մակագրվել է դատավոր Լիզա Գրիգորյանին: Գաղտնի իրավաբանից՝ Աժ նախկին դատաւարի մահվանից հետո վերջինիս որդիները իրենց հոր ժառանգության խնդրով բախվել են հորեղբոր հետ, բանավոր կերպով չեն կարողացել հասնել արդարության և հասել են դատարան: Ինչով կավարսվի վեճը՝ կհամարենք հետևյալ զարգացումներին: «Ժողովուրդ» օրաթերթը գրուցեց նաև Հրայր Հակոբյանի հետ հասկանալու համար, թե նա ինչ խնդիրներ ունի իր եղբոր որդիների հետ, որ գործը հասել է դատարան: Ի դատարանում Հրայր Հակոբյանը ասաց. «Գրանում որեւէ բան չկա, ժառանգության հետ է կապված: Օրն եկել է, ամեն ինչ ընթացնում է կրթության: Կռիվ-մռիվ չէ, իրար չենք խփում, որեւէ խնդիր չունենք. եթե լինի, Ձեզ տեղյակ կդառնանք»:



Հիշեցնենք, որ դեռևս 2022 հոկտեմբերի 19-ին «Ժողովուրդ» օրաթերթը գրել էր. «Հայկական ավանդական շամպայն առաջիկայում, հնարավոր է, վաճառքի չլինի: «Ժողովուրդ» օրաթերթի խմբագրություն են դիմել Երևանի շամպայն-գինիների գործարանի աշխատակիցները՝ տեղեկացնելով, որ արդեն չորս ամիս է, ինչ աշխատավարձ չեն ստանում. «Մայիսից հետո աշխատավարձ չենք ստացել. արդեն չորս ամիս է՝ գործարանը մատնված է անգործության, ցուցանիշները քանդում, մաս-մաս վաճառում են: Երջանկահիշատակ Վերանոյի Հակոբյանը կարողանում էր պահել գործարանը, նրա մահից հետո ամեն ինչ գլխավոր շուռ է եկել»: Մեկ այլ աշխատակից էլ ասեց. «Ցիտերները մոնտաժում են որպես լոմ վաճառում են: Դրանով գործարանը խաղող էլ է մթերել մոտ 1000 տոննա, և մարդիկ չգիտեն, թե այդ խաղողն ինչ են անելու, որտեղ են պահելու, որտեղ են կոնյակի սպիրտ սարքելու»: Մեզ ասեցին, թե քաղաքացիների խոսքերով՝ Հակոբյանների պատկանող «Գարանտ սերվիս»-ի աշխատողները են աշխատավարձ չեն ստացել: Նշենք, որ 2022 թվականի հուլիսին մահացել է ընկերության հիմնադիր Վերանոյի Հակոբյանը, և նրա մահից հետո գործարանի կառավարմամբ զբաղվում է եղբայրը՝ Հրայր Հակոբյանը: «Ժողովուրդ» օրաթերթը կապ հաստատեց Հրայր Հակոբյանի հետ: «Ուրախ եմ

արել, որ նման բան են ասել: Գործարանը չի փակվելու, մենք ապրանք ենք արտահանում: Մեզ մոտ ոչ թե կորուստ է, այլ ավելի քան կորուստ է. կորուստը մեզ համար է: Մենք ցիտերները հանել են, դրվել դրսում, ոչ թե վաճառքի համար են: Իսկ աշխատավարձը տրվում է կորուստ ժամանակին. մի քիչ ուշացում է եղել է, կկարգավորենք», - նշեց գործարանի փաստացի ղեկավարը: Մենք կհետևենք զարգացումներին՝ հասկանալու համար՝ արդյոք իսկապես աշխատակիցների իրավունքները չեն ոտնահարվում:

ՔԱՐ ՍԱՆՈՒԿՅԱՆ

ԼՈՒՐԵՐ ԶԻՆԾԱՌԱՅՈՂՆԵՐԻՆ ԳԱՏՈՒՄ ԵՆ

2022 թվականի սեպտեմբերի 13-ին և 14-ին տեղի ունեցած պատերազմի դեպքով հարուցված քրեական գործերով մեղադրյալի աթոռին են հայտնվում նաև ժամկետային զինծառայողներ: ArmLur.am-ին հայտնի դարձավ, որ Մանվել Մուրադյանին մեղադրանք է առաջադրվել, որ նա, հանդիսանալով ՀՀ ՊՆ թիվ 5 զորամասի ժամկետային զինծառայող, 13.09.2022 թվականից ընդգրկված լինելով մարտական հերթապահության՝ զորամասի մարտական կիրառման շրջանում, 19.09.2022 թվականին՝ ժամը 01:00-ի սահմաններում, հրաժարվել է զինվորական ծառայության առանձին պարտականությունների կատարումից, առանց համապատասխան թույլտվության թողել է մարտական կիրառման շր-

ջանը, իսկ 21.09.2022 թվականին՝ ժամը 17:18-ի սահմաններում, ներկայացել է ՀՀ ՊՆ ռազմական ոստիկանություն:

ՄԵԿ ԱՆՁ ԶԵՐԲԱԿԱՎԵԼ Է


Հիշեցնենք, որ ՀՀ քննչական կոմիտեի զինվորական քննչական գլխավոր վարչության իններորդ կայազորային քննչական բաժնում իրականացվում են անհրաժեշտ միջոցառումներ՝ զինծառայող Ա.Ա.-ի՝ հրազենային վիրավորում ստանալու դեպքի հանգամանքները պարզելու ուղղությամբ: 2023թ. հունվարի 29-ին՝ ժամը 17:00-ին, ՀՀ ՊՆ ՌՈ Կապանի բաժնից հաղորդում է ստացվել այն մասին, որ նույն օրը՝ ժամը 15:00-ի սահմաններում, ՀՀ ՊՆ Ն զորամասի պահպանության տեղամասի մարտական դիրքի ավազի

օգնական, պարտադիր ժամկետային զինծառայողը, ըստ նախնական տվյալների, նույն մարտական դիրքում ծառայություն իրականացնող մեկ այլ պարտադիր ժամկետային զինծառայող, շարքային Ա.Ա.-ին ամրակցված ԱԿ-74 տեսակի գործարանային համարի ինքնաձիգը լիցքաթափելիս արձակել է մեկ կրակոց, ինչի հետևանքով վերջինս գլխի հատվածում ստացել է հրազենային վիրավորում և տեղափոխվել բուժօգնություն: Դեպքի առթիվ ՀՀ քրեական օրենսգրքի 532-րդ հոդվածի 2-րդ մասի 1-ին կետով նախաձեռնվել է քրեական վարույթ: Իրականացվում են անհետաձգելի վարույթային և ապացուցողական գործողություններ դեպքի ամբողջական հանգամանքները պարզելու նպատակով: Նշանակվել է դատաբժշկական փորձաքննություն:

Ք. ՍԱՆՈՒԿՅԱՆ

ՄԵԿՆԱԲԱՆՈՒՄ Է

ԻՆՉԻ՞ ԿՎԵՐԱԾՎԻ ՀԱՐՉԱԿՈՒՄԸ



Շաբաթ գիշերը իրանական լրատվամիջոցները հաղորդեցին, որ Իրանի տարածքում ռազմական օբյեկտներ են խոցվել, աշխատել է հակօդային պաշտպանությունը: Լրատվամիջոցների հաղորդմամբ՝ Իրանի Սպահան քաղաքում պաշտպանության նախարարության զինամթերքի պահեստի ուղղությամբ, անօդաչու թռչող սարքերով հարձակում է տեղի ունեցել:

Այս առթիվ ArmLur.am-ը գրուցել է իրանագետ Արտյոմ Տոնոյանի հետ:

«Պարոն Տոնոյան, ի՞նչ եք կարծում, Իրանի ռազմական օբյեկտների վրա հարձակումը կարող է լայնածավալ ռազմական գործողությունների վերածվել:

«Իրանն աշխատում է հնարավորինս չներքաշվել պատերազմի մեջ: Նման լարվածություն եղել է նաև 2010-ականների սկզբին, բայց, այնուամենայնիվ, այդ ժամանակ էլ պատերազմի չվերաճեց: Նույնն էլ հիմա. Իրանը կանգնած է մարտահրավերների առջև, բայց չեն կարծում, որ հավանականությունը մեծ է լայնածավալ պատերազմի, հատկապես որ մինչ այս պահը դեռ վերջնականապես պարզ էլ չէ, թե որ երկիրն է իրականացրել այդ հարձակումը: Իհարկե, ամենաշատը խոսվում է Իսրայելի մասին, բայց վերջնականապես հաստատված չէ այս տեսակետը:

«Այնպես է, որ մեր տարածաշրջանում իրավիճակը գնալով լարվում է: Ի՞նչ պետք է անի Հայաստանը, որպեսզի չվերածվի ռազմական գործողությունների պացիպիսի, ի՞նչ քաղաքականություն մենք պետք է վարենք:

«Ցանկացած պատերազմ, որը կլինի Հայաստանի սահմանին, լրջագույն մարտահրավեր է մեզ համար: Այն մարտահրավեր է ոչ միայն Հայաստանի, այլև Իրանի հարեանությունը գտնվող ցանկացած պետության համար. առաջանալու է փախստականների խնդիր, միգրանտների ներհոսք և այլն: Պետությունն ինքը պետք է նման պարագայում անցնի ճգնաժամային կառավարման և կարողանա իրավիճակը կառավարել:

Գործողությունների համալիր ծրագիր է պետք թե՛ անվտանգության ապահովման, թե՛ հումանիտար խնդիրների մասով: Այսինքն՝ հարցը միայն մեզ չի վերաբերում. բոլոր հարեաններն էլ նման խնդիրների բախվելու են ռազմական գործողությունների դեպքում:

ՔՐԻՍՏԻՆԱ ՄՈՒՆԵՐՅԱՆ

● Ըստ ոստիկանության տվյալների՝ հունվարի 27-ից 30-ը Հայաստանի Հանրապետությունում բացահայտվել է հանցագործության 109 դեպք, որոնցից 6-ը՝ նախկինում կատարված:

ՍՈՑԻԱԼԱԿԱՆ

ՀՆԱԳԻՏԱԿԱՆ ՊԵՂՈՒՄՆԵՐԸ

ՀՆԱԳԻՏԱԿԱՆ ՊԵՂՈՒՄՆԵՐԸ

ՀՀ ԳԱՍ Շիրակի հայագիտական հետազոտությունների կենտրոնի գիտաշխատողները Գերմանիայի Զալլեի Մարտին Լյութերի անվան համալսարանի գործընկերների հետ պեղումներ են իրականացրել Զրաձորի ամրոց-բնակավայրում: Արդյունքում բացահայտվել են որոշակի համադրելի իրողություններ Շիրակի՝ Զ.ա. IX-VIII դդ. իրարից հեռու տեղադրված բնակավայրերում: «Զրաձորի N 5 կացարանի տափանկած հատակի վրա բացվել են սաջ եւ աղորիքներ: Նույն տեղում հայտնաբերվել է հոր՝ լցված Զ.ա. IX-VIII դարերին բնորոշ առարկաներով:

Պատկերը նույն է Ազատանի ամրոցի պարսպին հարող համաժամանակյա կացարանում եւ Շիրակավանի ամրոցում: Նման ընդհանրությունների առկայությունը տարբեր հուշարձաններում թույլ է տալիս եզրակացնել, որ Զ.ա. VIII դ. երկու ամրոցները եւ բնակավայրերը ենթարկվել են հարձակման: Եթե Ազատանի բնակավայրում այն արտահայտվել է խոշոր հրդեհով, ապա Զրաձորի ամրոց-բնակավայրում եւ Շիրակավանի ամրոցում հայտնաբերվել են ուրարտական ջարդված եւ ծավածվեքներ, պարսպի մեջ մտած նետասլաքներ: Այս իրողությունների համադրումը Շիրակում գտնվող ուրարտական երկու արձանագրությունների տվյալների հետ թույլ է տալիս դիտարկել ուրարտական գործերի՝ հյուսիսից հարավ-արեւելք եւ հարավ-արեւմուտք, այնուհետեւ՝ Ախուրյան գետի ավազանով դեպի Արարատյան դաշտ շարժման ուղղությունները»,- ասում է գիտական խմբի ղեկավար, ՀՀ ԳԱՍ Շիրակի հայագիտական հետազոտությունների կենտրոնի տնօրեն, պատմական գիտությունների թեկնածու Արմեն Զայրապետյանը:

Ըստ նրա՝ Զրաձորի եւ Ազատանի պեղումներով հնարավորություն է ստեղծվել հետեւել Շիրակում Զ.ա. IX-VIII դարերում տեղի ունեցած քաղաքական, ռազմական տեղաշարժերին: Ուրարտուի արքա Արգիշտի Ա-ի օրոք դեպի Էրիսխի երկիր կատարված ռազմական գործողությունների երթուղին, ըստ գրավոր աղբյուրների, նշմարվում էր, սակայն բացակայում էին դրանց հնագիտական հիմնավորումները:

«Շիրակի՝ Զ.ա. I-ին հազարամյակում տեղի ունեցած ռազմաքաղաքական իրադրության հետազոտությունը հնարավորություն է տալիս հետեւել Ուրարտական պետության ընդարձակման տրամաբանությանը: Այս առումով, բացի հնագիտական նշանակությունից, տվյալներ են կուտակում նաեւ ուրարտագիտության համար»,- նշում է Արմեն Զայրապետյանը:

Զրաձորի հուշարձանի հնագիտական հետազոտությունները սկսվել են «Շիրակի պաշտպանական կառույցների հետազոտություն» թեմատիկ ծրագրի շրջանակներում: Այնուհետեւ արշավախումբը գործել է Շիրակի հայագիտական հետազոտությունների կենտրոնի եւ Զալլեի Մարտին Լյութերի անվան համալսարանի արշավախմբի համատեղ ֆինանսավորմամբ:

Զրաձորի եւ Ազատանի ամրոց-բնակավայրերի պեղումների արդյունքների մասին հոդվածներ, հաղորդումներ են տպագրվել հայկական եւ արտասահմանյան պարբերականներում:

ՆԱԽԱԳԻԾ

80-138 ՀԱԶԱՐ ԳՐԱՄ ՀԱՎԵԼԱՎՃԱՐ

ՀՀ կրթության, գիտության, մշակույթի եւ սպորտի նախարարությունը հանրային ֆինանսավորման է ներկայացրել արտադրողական ուսումնական հաստատությունների մանկավարժական աշխատողների կամավոր աեստավորման եւ աեստավորման արդյունքում ՀՀ տեսական բյուջեից լրավորման համար կարգի նախագիծը: Ներդրված կամավոր աեստավորման համակարգի փորձնական ծրագիրը բարոնակաբար կյտնախուսի մանկավարժական աշխատողների մասնագիտական զարգացումը եւ լրավորման սրամարման միջոցով կնոպասի դասավանդման որակի եւ արդյունավետության բարձրացումը: Նախագիծով սահմանվել է.



հաշվարկվում է աեստավորումից սկսված:

-2023 թվականից սկսած՝ աեստավորմանը կմասնակցեն պետական եւ համայնքային մարզադպրոցներում ուսումնասիրական գործընթաց իրականացնող ազատ ոճի եւ հունահռոմեական ըմբռնարտ, սամբո, ձյուդո մարզաձեւերի, ինչպես նաեւ արվեստի եւ երաժշտական դպրոցների դաշնամուր եւ երաժշտության տեսություն (սուֆեջո եւ երաժշտական գրականություն) դասավանդող մանկավարժական աշխատողները:

-2024 թվականից սկսած՝ աեստավորմանը կմասնակցեն նաեւ պետական եւ համայնքային մանկապատանեկան ստեղծագործական եւ գեղագիտական կենտրոններում, մշակույթի տներում դասավանդող մանկավարժական աշխատողները:

-2023 թվականից սկսած՝ աեստավորմանը կարող է մասնակցել նաեւ որեւէ հաստատությունում չաշխատող եւ մանկավարժական աշխատողի պահանջները բավարարող անձը, որը լրավոր կարող է ստանալ որեւէ հաստատությունում աշխատանքի ընդունվելու օրվանից:

Համաձայն նախագծի՝ աեստավորումն անցկացվում է յուրաքանչյուր տարի առնվազն մեկ անգամ: Մանկավարժական աշխատողի աեստավորման գործընթացի ժամանակացույցը՝ ըստ ուղղության եւ քննական կենտրոնների, հաստատվում է ԿԳՄՍ նախարարի հրամանով եւ հրապարակվում նախարարության եւ Պահատման եւ թեստավորման կենտրոնի կայքերում ժամանակացույցով հաստատված առաջին աեստավորումից առնվազն 20 աշխատանքային օր առաջ: Աեստավորումն անցած մանկավարժական աշխատողներին լրավոր տրվում է 5 տարի ժամկետով, որը

Աեստավորմանը մասնակցելու համար հայտերի ընդունման մասին հայտարարությունը հրապարակվում է նախարարության եւ ԳԹԿ-ի կայքերում: Կրթության կառավարման տեղեկատվական համակարգում ներկայացվում է այն ուղղությունների ցանկը, որոնցով դասավանդող մանկավարժական աշխատողները կարող են հայտ ներկայացնել, ինչպես նաեւ տվյալ ուղղության աեստավորմանը հատկացվող ժամանակահատվածը: Մանկավարժական աշխատողները հայտերը կարող են ներկայացնել յուրաքանչյուր տարվա մարտի 15-ից մինչեւ առաջին աեստավորմանը նախորդող 20-րդ օրը: Հայտերը ներկայացվում են էլեկտրոնային եղանակով Կրթական տեխնոլոգիաների ազգային կենտրոնի կայքում կցելով սահմանված փաստաթղթերն ու տեղեկատվությունը: Անկախ դասավանդած ուղղությունների քանակից՝ մանկավարժական աշխատողը տվյալ տարում կարող է աեստավորման հայտ ներկայացնել միայն մեկ ուղղությամբ՝ իր ընտրությամբ:

Տվյալ ուղղությամբ ոլորտային մասնագետներից կազմված հանձնաժողովը ձեւավորվում է ԳԹԿ տնօրենի հրամանով: Թեստերը, մեթոդական ուղեցույցները, առաջադրանքներում ընդգրկվող նյութը եւ առաջադրանքների նմուշները, ըստ ուղղությունների, մշակվում են ԳԹԿ-ում տվյալ ուղղությամբ ոլորտային եւ առնվազն 7 տարվա գիտամանկավարժական գործունեության փորձ ունեցող մասնագետներից կազմված հանձնաժողովի կողմից, տվյալ որակավորմամբ մասնագիտական կրթություն տրամադրող բուհում եւ տրամադրվում ԳԹԿ-ին: ԳԹԿ-ն յուրաքանչյուր աեստավորումից

առնվազն 20 աշխատանքային օր առաջ հրապարակում է մեթոդական ուղեցույց, որում ներկայացվում են թեստերի կառուցվածքը, առաջադրանքներում ընդգրկվող նյութը, ձեւաթղթի լրացման կարգը եւ առաջադրանքների նմուշներ: Հայտ ներկայացրած մանկավարժական աշխատողների ցուցակների հիման վրա՝ ԳԹԿ-ն երեւան քաղաքում եւ մարզկենտրոններում ընտրում է աեստավորման կենտրոններ, որտեղ գործընթացը կազմակերպում են կենտրոնի ղեկավարը եւ ներկայացուցիչները: Աեստավորումն անցկացվում է գրավոր թեստերի միջոցով: Թեստերը բաղկացած են ընտրովի կամ կարճ պատասխաններ պահանջող առաջադրանքներից:

Պատասխանների ձեւաթղթերը ստուգվում են ԳԹԿ-ում համակարգչային սարքավորումների ու ծրագրերի միջոցով: Աեստավորման արդյունքները հրապարակվում են աեստավորման օրվանից հետո՝ հինգերորդ օրը,՝ ԳԹԿ-ի կայքում: Աեստավորման արդյունքի հետ անհամաձայնության դեպքում մանկավարժական աշխատողն արդյունքների հրապարակմանը հաջորդող օրը՝ ժամը 9:00-18:00-ն ընկած ժամանակահատվածում, կարող է բողոքարկման դիմում էլեկտրոնային եղանակով ուղարկել մասնագիտացված բուհի մասնագիտական հանձնաժողովին: Բողոքարկման արդյունքում ընդունվում է որոշում գրավոր աշխատանքի միավորի պահպանման, բարձրացման կամ իջեցման մասին:

Լրավոր տրվում է միայն հաստատությունում աշխատող մանկավարժական աշխատողին: Մեկ հաստատությունից այլ հաստատություն տեղափոխման արդյունքում լրավորվող պահպանվում է: Հաշվի առնելով այն հանգամանքը, որ արտադպրոցական ուսումնական հաստատություններում դրույքաչափերը խիստ տարբեր են՝ ըստ տարբեր համայնքների, կախված համայնքների բյուջեներից, սահմանվում է ամրագրված լրավոր մեկ դրույք ծանրաբեռնվածության համար.

-աեստավորման 90-100 տոկոս արդյունք ցուցաբերելու դեպքում՝ 138.300 դրամ լրավոր,

-աեստավորման 80-89 տոկոս արդյունք ցուցաբերելու դեպքում՝ 111.500 դրամ լրավոր,

-աեստավորման 70-79 տոկոս արդյունք ցուցաբերելու դեպքում՝ 80.600 դրամ լրավոր:

ԵՎՐՈՊԱՅԻ 2027 Թ.-Ի ԱՌԱՋՆՈՒԹՅՈՒՆԸ՝ ԵՐԵՎԱՆՈՒՄ

Հայաստանի մարմնամարզության ֆեդերացիայի նախաձեռնությամբ եւ ՀՀ կառավարության աջակցությամբ մարմնամարզության եվրոպայի կամանգ 2027 թվականի առաջնությունը կանցկացվի Երեւանում:

ՀՀ կրթության, գիտության, մշակույթի եւ սպորտի նախարարի տեղակալ Կարեն Գիլյանի գնահատմամբ՝ սա շատ կարեւոր իրադարձություն է, որն իրականություն դարձնելու համար ՀՀ կառավարությունն ու Հայաստանի մարմնամարզության ֆեդերացիան արել են հնարավորը: «Այս նվաճումը մի քանի ամսվա աշխատանքի արդյունք է: Մարմնամարզությունն այժմ մեծ տեմպերով է առաջ գնում եւ ամենաուժեղ մարզաձեւերից մեկն է»: Հայաստանի մարմնամարզության հավաքականի գլխավոր մարզիչ Հակոբ Սերոբյանի խոսքով՝ Հայաստանի մարմնամարզության ֆեդերացիան Եվրոպայի առաջնությունը հյուրընկալելու հայտը ներկայացրել է շուրջ 4 ամիս առաջ: «Մարմնա-

մարզությունն «Ա» դասի մարզաձեւ է, որով ամբողջ աշխարհում զբաղվում է շուրջ 30 միլիոն մարզիկ: Այսպիսի մարզաձեւից Եվրոպայի առաջնություն ընդունելն իսկապես շատ մեծ նվաճում է հաջողություն է մեզ համար: Մշտապես զգացել ենք Հայաստանի կառավարության աջակցությունը, եւ, առանց այդ աջակցության, ոչինչ չէր ստացվի»,- ասում է Հակոբ Սերոբյանը: Գլխավոր մարզիչ խոսքով՝ Երեւանում անցկացվելիք Եվրոպայի առաջնության շնորհիվ՝ կլուծվի նաեւ մարզագույքի հարցը: «Սա իսկապես մեծ հնարավորություններ կտա մեր երիտասարդներին: Սրանով նաեւ լուծում են ստանում ենթակառուցվածքների, դահլիճի, գործիքների եւ մի շարք այլ հարցեր: Սա նշանակում է, որ 15-20 տարի մեր երիտասարդները որեւէ բանի կարիք չեն ունենա: Կունենանք միջազգային բոլոր չափանիշներին համապատասխան դահլիճ, գործիքներ եւ շատ լավ պայմաններ, այն ամենը, ինչ մասին մենք երազում էինք»: Մասնագետի խոսքով՝ Հայաստանում մարզաձեւի մասսա-

յականացման եւ տարածման տեսանկյունից եւս Եվրոպայի առաջնության հյուրընկալումը կարեւոր քայլ է: Նշենք՝ 2023թ. բավականին հազեցած է լինելու մարմնամարզիկների համար: Փետրվարի 7-ից Հայաստանի մարմնամարզության երիտասարդների եւ մեծահասակների հավաքականներն ընդլայնված կազմով ուսումնամարզական հավաքի են մեկնելու Թբիլիսի, այնուհետեւ Գերմանիայում եւ Կատարում մասնակցելու են Աշխարհի գավաթի փուլերին: Մարտապրիլ ամիսներին մարմնամարզիկները Թուրքիայի Անթալիա քաղաքում կմասնակցեն երիտասարդների աշխարհի առաջնությանը, մեկ շաբաթ անց էլ՝ Եվրոպայի առաջնությանը: Գլխավոր մարզիչ խոսքով՝ իրենք շատ պարտավորված են եւ ամեն ինչ անելու են պատվով հանդես գալու համար: Այդուհանդերձ, տարվա կարեւորագույն ստուգատեսը սեպտեմբերի վերջին մեկնարկող աշխարհի առաջնությունն է, որտեղ խաղարկվելու են Փարիզի՝ 2024 թվականի օլիմպիական խաղերի ուղեգրեր:

«Տողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ԿԱՐԾԻՔ

«ՉԵՄ ԳԻՏԱԿՑՈՒՄ»

ԾՈՎԻՆԱՐ ՄԱՐՏԻՐՈՍՅԱՆԸ՝ 38-ԱՄՅԱԿԻ ՄԱՍԻՆ

Օրերս դերասանուհի Ծովինար Մարտիրոսյանը նեղ է ծննդյան 38-ամյակը: Ծովինար Մարտիրոսյանը ArmLur.am-ի հետ զրույցում դասնել է սարերարձի մանրամասների մասին:

Դերասանուհու խոսքով՝ առաջին անգամն է, երբ նա տարեդարձը նշում է ոչ այնքան ուրախ, քանի որ այն համընկել էր 15 զինծառայողի չարաբաստիկ մահվան դեպքի հետ. «Առհասարակ, տրամադրություն չունեի եւ հենց այդպես էլ արթնացել էի. չնայած ես շատ եմ սիրում ծննդյանս օրը նշել, ուրախանալ, բայց վերջին դեպքերի հետ կապված դա անհնար էր: Տարեդարձս նշեցի տանը ընտանեկան միջավայրում, իսկ հաջորդ օրը կրկին տանը՝ ընկերուհիներիս հետ»:

Ծովինարի կարծիքով՝ կինն ամեն տարիքում յուրովի է փոխվում, ավելի խոհեմ է դառնում:

«Անկեղծ ասած, ես չեմ գիտակցում, որ ես մեծացել եմ: 38 տարեկանը ինձ համար շատ մեծ էր, երբ ես 16 տարեկան էի, բայց հիմա հասկանում եմ, որ դրանք ընդամենը թվեր են. մարդու հոգին պետք է տարիք չունենա», - նշեց նա:

Անդրադառնալով երգանքին՝ Ծովինարն ասաց, որ այս պահին միայն երգում է խաղաղության մասին, որ ոչ մի կորուստ չունենանք, ապրենք անվտանգ եւ խաղաղ, հաղթանակած երկրում:

«Իսկ ինչ վերաբերում է ամուսնուս կողմից նվեր ստանալուն, ապա կասեմ, որ իմ ամուսինն արդեն ինձ հիանալի նվեր է մատուցել. ես նրա կինն եմ եւ ունեմ երկու զավակ, դրանից լավ նվեր նա չէր էլ կարող ինձ նվիրել: Ես կյուբական մարդ չեմ, ես սիրում եմ, երբ իմ մտերիմները ազնիվ են ինձ հետ, գնահատում են ինձ եւ չեն դավաճանում: Դա ինձ համար աշխարհի ամենալավ նվերն է», - հավելեց դերասանուհին:

ԼԻՂԱ ԵՐԻՎԱՆՔԱՆՍ



ԼՈՒՐԵՐ

ՆՈՐ ԿԵՐՊԱՐ

«Միսս Հայաստան», «Կիցե միսս Եվրոպա 2005» գեղեցկուհի Լուսինե Թովմայանը նոր լուսանկար է հրատարակել՝ ներկայանալով ոճային կերպարով: Սոցիալական ցանցի իր էջում տեղադրված կադրում գեղեցկուհին սեւ բլուզ է և նույն երանգի տաբատով է, որոնք համադրել է մանուշակագույն բաճկոնի հետ: Երիտասարդ մայրիկի մազերն արձակված են, մեղմ շպարով է: Հրատարակմանը կից նա մեջբերել է Թերի Գուլիեմեթսի. «Ծաղկի գրավչությունն իր հակասությունների մեջ է՝ այնքան նուրբ ձեռով, բայց ուժեղ բուրմունքով, այնքան փոքր չափերով, բայց մեծ գեղեցկությամբ, այնքան կարճ կյանքով, բայց երկար էֆեկտով»:



ԺԱՄԿԵՏՆԵՐԸ ՀԱՅՏՆԻ ՉԵՆ

Amazon Studios-ը նկարահանում է մարմնի փոխանակման մասին ֆիլմ՝ դերասանուհիներ Ջուլիա Ռոբերթսի եւ Ջենիֆեր Լիսթոնի մասնակցությամբ:

Ֆիլմի (որի անվանումը դեռևս չի բացահայտվում) սցենարիստն ու ռեժիսորը Մաքս Բարբակովն է: Նախագծի համապրոդյուսեր է հանդիսանում LuckyChap Entertainment-ը, որը պատկանում է Մարգո Ռոբինն եւ Թոմ Աքերլին:

Ֆիլմի սցենարը եւ ռեժիսորը կլինի Մաքս Բարբակովը (Hang Out in Palm Springs): Նախագիծը կարտադրի LuckyChap Entertainment-ը, որը պատկանում է Մարգո Ռոբինն եւ Թոմ Աքերլին:

Կատակերգության սյուժեի մանրամասներն անհայտ են: Արտադրության եւ թողարկման ժամկետները դեռևս հայտնի չեն:

ԱՌԱՋԻՆ ՄԱՐԶՈՒՄԸ՝ ԳՈՒԲԱՅՈՒՄ

Ֆուտբոլի Հայաստանի պրեմիեր լիգայի առաջատար «Ուրարտուն» ժամանել է Դուբայ եւ անցկացրել է առաջին մարզումը:

Մինչև փետրվարի 13-ը շարունակվող ուսումնամարզական հավաքի ընթացքում «Ուրարտուն» կանցկացնի 5 ստուգողական հանդիպում:

Մրցակիցները կլինեն Սանկտ Պետերբուրգի «Ջենիթը», Մոսկվայի «Լոկոմոտիվը», արաբական «Յունայթեդ», «Գալֆ Յունայթեդ» եւ «Գրին Յերոնս» ֆուտբոլային ակումբները:

ԼՈՒՐԵՐ

ՋԻՆԾԱՌԱՅՈՒՆԵՐԸ ՀԻՎԱՆԳԱՏԵՆՅԱԿՈՒՄ ԵՆ

Ջինվորական կացարանի հրդեհից տուժած բոլոր զինծառայողները տեղափոխվել են հիվանդասենյակ, այդ թվում նաեւ՝ հրամանատարը: Այս մասին ArmLur.am-ի հետ զրույցում ասացին Այրվածքաբանության ազգային ինստիտուտից:

Մեր տեղեկությունների համաձայն՝ խիստ հսկողություն է սահմանված հատկապես սպայի հիվանդասենյակի մոտ. ստուգվում են բոլոր այցելուները, այդ թվում նաեւ՝ բուժանձնակազմը:

Նշենք, որ հունվարի 19-ին Գեղարքունիքի մարզի Ազատ գյուղի զորամասի վաշտի կացարանում բռնկված հրդեհի հետեւանքով ծանր այրվածքներ էին ստացել երեք զինծառայող եւ տեղափոխվել Երեւան՝ Այրվածքաբանության կենտրոն. այրված շինությունից դուրս է բերվել 15 դի:

ԼԻՂԱ ԵՐԻՎԱՆՔԱՆՍ



հունվարի 26-ի N 136- Ա/2 հրամանով՝ հաստատվել է 2023-2024 ուսումնական տարում հանրակրթական ծրագրեր իրականացնող հաստատությունների 1-ին, 3-րդ, 4-րդ, 6-րդ, 8-րդ, 9-րդ, 11-րդ, 12-րդ դասարանների դասագրքերի գործածության երաշխավորված ցանկը: Ըստ հրամանի՝ հաստատվել են նաեւ ազգային փոքրամասնությունների եւ բրայլան դասագրքերը:

Տարրական դասարանների բոլոր աշակերտներին դասագրքերը տրամադրվում են պետական բյուջեի միջոցների հաշվին: Ազգային փոքրամասնությունների համար բոլոր դասագրքերը հատկացվում են անվճար: Պետական միջոցներով են տրամադրվում նաեւ բրայլան դասագրքերը:

ԵՐԱՇԽԱՎՈՐՎԱԾ ԴԱՍԱԳՐՔԵՐԻ ՑԱՆԿԸ

ՀՀ կրթության, գիտության, մշակույթի եւ սպորտի նախարարի՝ 2023 թվականի

● Փետրվարի 1-ին «Կամի» երաժշտական ակումբում տեղի կունենա «Կարինա Առուստամյան եւ The Band» համերգ-փառատոնը: Տոմսերի արժեքը՝ 5000 դրամ: Սկիզբը՝ ժամը 21:00-ին:



Էջը՝ ՈՂՋԱ ՊՈՂՈՍՅԱՆԻ

ՍՈՑԻԱԼԱԿԱՆ

ՀԱՐՑ. Միջմարզային ճանապարհին բուլլասրելի արագությամբ երթնելիս մեքենա վնասվել է՝ ընկնելով փոսը. Ի՞նչ անել եւ ո՞ւմ դիմել փոխհատուցման համար: Սամվել Թովմասյան (32 տարեկան)



ՊԱՏԱՍԽԱՆ. Առաջնահերթ անհրաժեշտ է ահազանգել ճանապարհային ոստիկանություն 1-77 հեռախոսահամարով եւ հայտնել տեղի ունեցած վթարի մասին մասնաճյուղին: Ծանապարհային ոստիկանության տեսուչները կզան դեպքի վայր, կկազմեն վթարի առաջացման սխեման, կարձանագրեն, որ վնաս է պատճառվել Ձեր ավտոմեքենային: Անհրաժեշտ է նաեւ տեղի ունեցածի մասին անհապաղ, բայց ոչ ուշ, քան վթարի պահից 40 րոպեի ընթացքում գանգահարել այն ապահովագրական ընկերություն, որտեղ ապահովագրել էք Ձեր տրանսպորտային միջոցը: Այնուհետեւ պետք է լուսանկարահանել եւ տեսանկարահանել ճանապարհի այդ հատվածում առկա փոսը, մեքենայի վնասված հատվածները, որոնք հետագայում անհրաժեշտ է դիմումին կից ներկայացնել ապահովագրական ընկերություն՝ խնդրելով իրականացնել Ձեր մեքենային պատճառված վնասի չափի փորձաքննություն եւ պարզել Ձեր մեքենային պատճառված վնասի չափը: Եթե ապահովագրական ընկերությունը մերժում է իրականացնել փորձաքննությունը՝ պատճառաբանելով, որ տեղի ունեցածը ճանապարհատրանսպորտային պատահար չէ, ապա Դուք կարող եք փորձաքննություն պատվիրել այլ մասնավոր փորձագիտական կազմակերպություններում: Միաժամանակ անհրաժեշտ է պարզել, թե ում վրա է դրված ճանապարհի այդ հատվածի պահպանումը: Այդ նպատակով անհրաժեշտ է դիմել համապատասխան մարզի ղեկավարին՝ մարզպետին՝ խնդրելով հայտնել, թե ում վրա է դրված ճանապարհի այդ հատվածի պահպանումը եւ վերանորոգման պարտականությունների կատարումը: Եթե ճանապարհի պահպանումը դրված է մարզպետարանի վրա, ապա հենց մարզպետարան էլ պետք է դիմում ներկայացնել՝ վնասների փոխհատուցման պահանջի մասին՝ դիմումին կից ներկայացնելով այն բոլոր լուսանկարներն ու նյութերը, որոնք վերաբերում են տեղի ունեցած պատահարին:

ՀՀ տարածքային կառավարման եւ ենթակառուցվածքների նախարարություն

«ԺՌՂՈՎՈՒԲԳ»-ը. Վնասների փոխհատուցում չտրամադրելու դեպքում Դուք իրավունք ունեք դիմել դատարան՝ ընդդեմ այն մարզպետարանի կամ կազմակերպության, որի վրա դրված է եղել ճանապարհի պահպանումը եւ ժամանակին վերանորոգումը:

ԻՐԱԿՈՒՆԵ

ՀԱՐՑ. Տեղեկատվության սփռմանը մեծել է տեղեկատվություն սրամարտի՝ ռուսացանցային, որ դա նույնպես հարմար չէ: Ի՞նչ անել եւ ո՞ւմ դիմել: Սամվել Հովհաննիսյան (20 տարեկան)

ՊԱՏԱՍԽԱՆ. Եթե Ձեր տեղեկատվության հարցումը ստանալով տեղեկության տնօրինող այն չի տրամադրել՝ պատճառաբանելով, որ դրա տրամադրումը կարող է անհարմարություն ստեղծել կամ լինել ոչ նպատակահարմար, ապա այդպիսի մերժումը անօրինական է եւ չպատճառաբանված: Պետք է հիշել, որ տեղեկատվության տնօրինողն իրավունք ունի մերժել տեղեկատվության տրամադրումը բացառապես օրենքով սահմանված հիմքերով, որոնք հետեւյալ հիմնք են՝ -տեղեկատվությունը պարունակում է պետական, ծառայողական, բանկային, առևտրային գաղտնիք, -տեղեկատվության տրամադրումը կարող է խախտել մարդու անձնական եւ ընտանեկան կյանքի գաղտնիությունը, այդ թվում՝ նամակագրության, հեռախոսային խոսակցությունների, փոստային, հեռագրական եւ այլ հաղորդումների գաղտնիությունը, -տեղեկատվությունը պարունակում է հրապարակման ոչ ենթակա նախնական քննության տվյալներ, -տեղեկատվության տրամադրումը բացահայտում է մասնագիտական գործունեության պայմանավորված մատչելիության սահմանափակում պահանջող տվյալներ (բժշկական, նոտարական, փաստաբանական գաղտնիք), -տեղեկատվության տրամադրումը խախտում է հեղինակային իրավունքը եւ (կամ) հարակից իրավունքները: Բացի վերոնշյալ հիմքերից, տեղեկատվության տնօրինողը որեւէ այլ պատճառաբանությամբ իրավասու չէ մերժել տրամադրել տեղեկատվությունը: Ավելին՝ հստակ է այն կարգավորումը, համաձայն որի՝ տեղեկատվության տնօրինողը չի կարող մերժել տեղեկատվության տրամադրումը, եթե այն լրացուցիչ դժվարություններ է ներկայացնում իր համար կամ ստեղծում է անհարմարություններ: Այս կարգերը սկզբունքը ապահովում է վարչական մարմինների կամայականությունների բացառումը: Բացի այդ, տեղեկատվության տնօրինողը պարտավոր է իր մերժման մեջ հղում կատարել օրենքի այն նորմին, որի հիմքով մերժում է տրամադրել տեղեկատվությունը:

ՀՀ արդարադատության նախարարության անձնական տվյալների պաշտպանության գործակալություն

«ԺՌՂՈՎՈՒԲԳ»-ը. Սնանատիպ դեպքերում կարող եք կրկին նույն տեղեկատվությունը պահանջելու հարցում ուղարկել այն տնօրինողին՝ նշելով, որ տրամադրված մերժումն անհիմն է եւ չի բխում օրենքից: Ձեր այս երկրորդ դիմումով կարող եք մանրամասն պարզաբանել, որ, Ձեր հարցմանը ի պատասխան, անհիմն մերժում տրամադրելը խախտում է Ձեր իրավունքները, որ եթե երկրորդ անգամ ես չտրամադրի այն, ապա կդիմեք դատարան Ձեր իրավունքների պաշտպանության նպատակով:

ԼՈՒՐ ԿԱԴՐ

Լուսանկարն արվել է Վանաձորում



Վանաձորի աթլետիկայի մարզադպրոցում հունվարի 28-ին կայացել է Լուռու մարզի աթլետիկայի ֆեդերացիայի ձմեռային բաց առաջնությունը: «Մրցաշրջան-2023»-ի մեկնարկային մրցաշարին մասնակցել են Երեւանի, Գյումրու, Վանաձորի, Արտաշատի եւ Կապանի հավաքական թիմերի՝ 20 տարեկան եւ ավելի ցածր տարիքի շուրջ 130 մարզիկներ: Մրցաշարին մասնակցել են նաեւ Հայաստանի մեծահասակների տղամարդկանց եւ կանանց հավաքականների մարզիկները: Մրցաշարին ներկա է եղել եւ հաղթողների պարգևատրել ՀՀ կրթության, գիտության, մշակույթի եւ սպորտի նախարարության սպորտի քաղաքականության վարչության պետ Նարինե Շահբազյանը:

ԲԱԺՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայմամուլ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

Subscription form with fields for Name, Surname, Address, and Phone Number. Includes a logo for 'Armenian People' and a phone number: 0023, Արշակունյաց 2, 5-րդ հարկ, 518ս.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22՝/3, հեռ՝ 010 54-64-23 Պետական գրանցման վկայականի համարը՝ 03Ա089086 տրված է 24.11.2010 Ստորագրված է տպագրության 30.01.2023

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում համագործակցությամբ հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: